

www.BibleForChildren.org

San Mateo 8



O'ña ma'pamoetwerr allempo xherr Jesús Galileo,
allña anetso Caná atarr koshaprechet poesheñarr
yakma ñeñth sena'tetsa. Jesúsña pachorpa' allo'tsen.
Jesúsña epoet poeyochresha'pa' ñetpa'xho'ña
awa'ñarethtet allcha' rrallme'chapreteneta'.



Allña' xha wañaphset vinos. Jesúsña' ateth och pachor: —The'pa' ama eñalle vinos, o'xha wañaphset. Tharraña ama't ateth otaña' pachorña' ateth otan ñeñth sherbets all: —Ñerra'm errothencha' otas nechoyorpa' saña'pa' e'ñech ateth sepha.



Allñapa' ateth otan Jesús ñeñth sherbets
all: —The'pa' o'ch se'chorrayeres oñ
orrotho. Ñetñapa' atethxho' pet e'ñe
e'chorrareswawet oñ.



Allempoña o' e'chorraeswetpa'
Jesúsñapa' ateth oterraneterr:
—The'ñapa' o'ch seshe' koñe'thpa' o'ch
sanemh allo'tsen ane'tañ. Ñetñapa'
atethxho' pet.



Allempoña ane'tañpa' allentha amllan oñ ñeñth
a'pnasareth vinos ñañapa' ama eñoche erroththe' o'
wapatetña vinos. Aña
eñotene' ñeñth
sherbenawet all
ñeñth etasote' oñ.
Allempoña amlla'wan
vinospa' ñañapa'
allentha agotan
ñeñth sena'tetsa.



Ñeñthpa' ateth och: —Ñerra'm xho yorrpa'
añcha'ña ñanom yorrtat ñeñth e'ñe kowen vinos.
O'chña yonwawe awa'ñareth
e'ñe kowen vinospa'
allempochña yapanet
ñamha ñeñth ama e'ñe
kowenayaye.



Tharraña phañapa' amaña attheye' pepeno. Ñeñthapa'
xha'tña phañño'twaña vinos ñeñth e'ñe kowen
thayaño' phorrtach.

(Ane'taññaapa' ateth otan
ñeñth sena'tetsa
tharro'mar ñapa' ama
eñoteñe.)




All ñanom entatanet Jesús po'partsoñapa' ñeñthpa'
arr Cano allara Galileo. Atthoka'yeña
orrtatanetña Jesús
po'partso'teña. Allempoña
poeyochresha'pa' o'
eñochet po'ñoxhepa't
ñapa' Parets atthoña e'ñe
ame'ñyet.



Allothñapa' xhap Jesús Pedro
pa'pakllo. Allñapa' entosñañ pa'so'moe
alla phanena po'mayo xha atsna'ten,
xha weraten.



Jesúsña' allentha a'phillosñañ potpa' xha
metwerretsña po'wrateña. Allentha tantapa' o'
yema'talme'chapha.



Ñeñthe yethrokma allempo ellerren o' emoena
atsrrethpa' acheñenesha'ña wapatyesnenet

Jesúsesho allowen
ñeñth atsna'tyets
ñamha ñeñth
chorra'yena oneñeth.

Waxha'tyesoña
allowen
anetso'marnesha',
ñetñapa' alla
shontoset
allothekma
be'thenet pokollo.




Jesúsña allempopa' e'ñe a'krratyeswapanet, ama't shonte' pa'namen atsnañtsoxhno ñeñth osyenawet. Ama't ñamha shonte' acheñenesha' ñeñth chorra'yena oneñeth ñeñthpa'xho'ña e'ñe kexhpatyeswapanet oneñeth ñeñth chorra'yenawet.



Jesúsñapa' ama moenatano oneñeth atthoch
eñorana'tnomet, tharro'mar ñetpa' e'ñe eñoteñet
ñapa' ñeñthka'ye Cristotets.



Allowenña acheñenesha'pa' atarr moeneñet o'ch
a'phloset Jesús tharro'mar ñapa' ña atarr
awamenkathesha', e'ñe ña po'wamenkoth
a'krratyenan
allowen
acheñenesha'.



Attheñapa' wapatamphsoñet ñamha echarrtaña
ñeñthñapa' pa'tatssheña ñeñth anmampene'
poecheknaphoth.



Ñetpa' añ moenenetañ o'ch
be'thososet o'ch e'ñe noset
Jesúsesho, tharraña shonte'
acheñenesha' ñeñtho'marña
ama eshkaye' abe'thoseñoña
atsnañeth atthoch
xhapachet e'ñe
Jesúsesho.



Attheña a'tapatoset enoth
pokollato, ñeñthña pokollpa'
patsopo'. Ñetñapa' rrorosetña
ñeñth pokollatar enoth e'ñe
ñeñthekoptaro'tsen Jesús
all patsoth.



Allothña a'swatamphsotetña
echarrtaña e'ñe poecheknape'na.
Atthoña xhapachet e'ñe rroxho
allo'tsen Jesús.



Jesúsñapa' eñotapanet ñetpa' atarr
nanak yemteñet. Allempoña
ñapa' otapan echarrtaña:

—The'ña neyochre, pha
pho'chñarpa' o'
aphretna'warethterra.

—The'ña napa' o'ch
notaph: Petantena,
pechta'nen pemoe'pa'
o'ch pechope'chnen,
aweneph pepakllo.




Allempoña Jesúsapa' a'tapos noñtho oeyochresha'ñapa'
kotha'wanmet, awamphset
rroxha'soneth atarr sa'po.
Allñapa' machayothepa'tcha'
womenkëshatampesnomoet.
Emo'yare'ña xha
esha'tena noñtho, attheña
oññapa' chorramoch
noñtho. Jesúsñapa'
xha moen.



Ñaña' ateth otanet: —Eso'mare'tña nanak seyoren.
Sapa' ama e'ñeye' seyemtenno. Jesúsña tanterrapa'
e'ñe po'ñoñotha a'mtsoññetwerran womenkësha'
ama't ñamha emo'yare'pa' o' e'ñe
a'mtsoññetwer. Atthoña ñetpa'
o' alla e'ñe kowen
moechettamperret.



Attha kowanrrorteñet ñetñapa' ateth otanna'tyeset:
—Ta'mka'ye, añ acheñerpa' esona'tarthe'ka'ye.
Atarrepa't es a'mchechaten, ama't po'ñoñothapa'
a'mchechaterran womenkësha'
ama't ñamha emo'yare' oñ.



'Attho atarr morrentenya Yompor
alloweney acheñeneshay arr patsro
ñeñtho'marña apoey Poechemer
ñeñth po'pathrror pen, . . .



... allochñapa' allowen ñerra'm
esesha' ame'ñerraya ña amach
chenkërreto, ñetñapa' korretsetach
poksheñeshokmañen e'ñe
thayotheñ errponañowen.



Romanos 3:23 Tharro ' mar alloweney atthekmay e ' ñe
yo ' chña ' twen. Ama yetso teñña ñe Yompor po ' kowenña
ñeñth e ' ñe ateth moenen ña.

Romanos 6:23 Tharro ' mar yo ' chñarpa ' allach
tsa ' taterrya rromoeñtso, ñeñthara koñcheñtso.
Tharraña e ' ñe yeparrokmateñoth epay Yepartseshar
Cristo Jesús pa ' Yomporña pa ' apwerreycha ' e ' ñe attha
allochña yapa ' korretsayach yoksheñeshokmañen
thayotheñ errponañowen.

Hebreos 9:27 Yeñoteñ ama ' t alloweney acheñey
xhokmach yerromoen. Tharraña e ' ñech parrocha
yerroma allempoñapa ' o ' ch werrnaya atthoch
Yomporpa ' eñotatyewerrey e ' ñe errothencha '
entyeswerrey —ñato ' e ' ñech kowen entyewerrey
amapa ' ñato ' amach kowenaye ' entyewerreye.



Efesios 2:8,9 Tharro ' mar po ' ñoxh e ' ñe
poemoereñothey Yomporñapa ' a ' keshphaterrey e ' ñe
yeyemteñotha ña. Ama añotheye ' ña a ' keshphaterrye
attho e ' ñe kowenare ' es yepha ' yen ya. Yomporpa '
e ' ñe attha a ' keshphaterrey. Ñamha ama
yethorreñotheye ' ñokop a ' keshphaterryeña Yompor
atthoch tsa ' terrya ñeñth allpon yethorra ñokop.

Tharro ' mar ñerra ' m e ' ñe yethorreñotha
ya ' keshphatenañ, yañapa ' xhathe ' atarr kowen yentena
yañeña ñeñth attho ya ' keshphatena. Allempoña
Yomporpa ' amathe ' a ' keshphatañeye ' yenteñe.



Romanos 10:9,10 Tharro 'mar ñerra 'm xho ye ' ñorena
attho Jesús pa' Yepartseshar yepeñ, ñamha ñerra 'm
e ' ñe yeyoxhrokmañen yame ' ñeña attho Yomporpa '
awo ' t tantater po ' rromñothpa ' , allochñapa '
yapa ' xho ' ña a ' keshphataretheycha ' . Tharro ' mar
ñerra ' m yame ' ñera Cristo yeyoxhrokmañen,
Pomporñapa ' e ' ñech pokte ' enteney, ñamha ñerra ' m
xhochña ye ' ñorena attho o ' yame ' ñera Cristo,
atthochña yapa ' a ' keshphataretheycha ' .



San Juan 3:16,17 'Attho atarr morrentenya Yomp
alloweney acheñeneshay arr patsro ñeñtho ' marña apoey
Poechemer ñeñth po ' pathrror pen, allochñapa' allowen
ñerra ' m esesha' ame ' ñerraya ña amach chenkerreto,
ñetñapa' korretsetach poksheñeshokmañen e ' ñe
thayotheñ errponañowen. Yomporpa' amaka ' ye
añekpaye ' moeñanoña Poechemer arr patsro atthoch
moeñosan acheñenesha' koñcheñtso. Ñapa' añekopña
moeñe atthoch ñach a' keshphatose ' ña
acheñenesha' arr patsro.



1 San Juan 5:11-13 Yomporpa' ateth eñotateney attho
yapa' apoey Poechemer, e' ñe ñeshothña yapa'
korretsach yoksheñeshokmañen thayotheñ e' ñe
errponañowen. Ñeñthña agërre' Yompor Poechemer
añe' naña o' agërret atthochña ñetpa' korretsetach
thayotheñ e' ñe errponañowen. Añña ñeñth ama agërraye
Yompor Poechemer, ñetñapa' amach esesha' agërraye
alloch korrerret. Ñeñth allpon o' nekellkonas sa ñeñthes
ame' ñenaya Yompor Poechemer, sapa' ñeñthcha' ña
señotaterre' po' ñoxh sapa' korretsasach
soksheñeshokmañen e' ñe thayotheñ errponañowen.



San Mateo 8-9; San Marcos 1-2, 4;
San Lucas 4, 8; San Juan 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter; Sarah S.

Yanesha NT (ame) © 2014, Wycliffe Bible Translators,
Inc. All rights reserved.

<https://live.bible.is/bible/AMETBL/MAT/1>

©2025 Bible for Children, Inc.

www.M1914.org

www.bibleforchildren.org

